

il Cjavedâl

DIREZION E MINISTRAZION: UDIN
Borc di Trep n. 1

ASSOCIAZION PAL SFUEJ: in Italie 600 francs ad an;
für d'Italie 1200 francs — Cont Curint Postâl 24/255

Intant ch'o fevelin di autonomie a' vegnin chei dal tac e nô 'lin vie



RUDE TEMPIESTE
PE INT ONESTE
CH'A SCUEN LA' VIE
DE FURLANJE

Autonomîs e mondialisim

Dute la vite pratiche da l'omp
e ven su di dôs lidris. Une che
riuarda la sò esistence in parti-
cular, come individuo, par con-
servasile e gjavai chês sodisfazi-
ons justis e onestis daur la sò
nature, cussì ch'al vali la pen-
di vivi. Chê altre, 'a uni par
l'apont spiritualmentri, ognidun
ch'al vif, cum duc' chei altris che
'e son l'umanitât interie.

Ognidun al sint il stombli natu-
ral che j fâs fâ ch'est e chel, par
proviodi es sôs dibisugais pal
cuarp e pal spirt; e se nol provi-
od di bessôl, nissun nol po'
fâ, che nol sâ. Ogni persone, co-
me ogni popul al â ale di sô,
tal caratar e tai guse, che, dome
chê persone, dome chel popul
ch'a lu â a lu sint, al pò capîlu
e daigi un valor.

E ogni persone e ogni popul
s'al il salvâsi la sò filusumie al
è di just che la difindi cum ogni
miez adat. Chê d'impedi a di u-
ne persone o a di un popul di
jessi sê stes, selet a libar, 'a je
une carognade, al è un ver di-
lit. Si ven in chê maniere a dai
displasêz e umiliazioms. Cun di
plui, al è un afûz ledrôs ch'al
mostre dome la manjeuze di e-

ducazion e la tristerie di cui che
al si ustine di chê bande.

Duncje, autonomie es personis
e a chês unions spontanis di per-
sonis ch'a ejatin util di metisi in
cunvigne par dâsi une man.

Quan'che in dut il mont la vite
sozial si pojara su chestis fam-
dis, si viodarâ l'umanitât in päs
e in armonie.

Par inviâsi di chê bande a'nd'ê
vonde resons, par vie de utilitât,
de convenienze ch'a si varês. Ma,
tal cûr da l'omp al è ancje un
altri sintiment plui nobil e plui
esigent di chel da l'util: al è il
sintiment morâl.

Qualehidun al farâ boeje da ri-
di a sinti nomenâ la morâl. E
al â di une bande ancje reson; in
ân tant mâl doprât chest argu-
ment de morâl, che la plui part
e â finit cul no capî di ce propit
ch'a si trati.

Difat, morâl pardabon al è no-
me ce ch'al â valor universal,
par dute l'umanitât. Ogni limi-
tazion che si olês dai, lu distrûs.

Lu â insegnât di bielzâ Crist,
cu la conte dal bon Samaritan,
ce che si â da intindi par nestri

prossim. No dome chel ch'a nus
ta dongje, no dome chel ch'a
nus è compagn te vite, ma ogni-
dun che, fat come nô, al procu-
re ancje lui di vè sodisfazioms, e
al pò ejatâsi in displasêz, in
strusis, in malatis, tant come
nô. Al è chel sintiment di sim-
patie che, dal sens dal vivi che
si ejatin in nô, o vin par duc'
chei ch'o vevin ch'a vedin al-
trettant dentri di lôr.

Al è par vie dal sens morâl
che nus urte il mâl ch'o viodes-
sin fat a qualunque altri; che nus
urte ogni cunfîn, ogni division
material o spiritual. Par ch'est o
bramaressin che, dongje de len-
ghe mari, duc' a vessin a man
ancje une lenghe huine par du-
te la tiare. Duteis rebis che j'nd'-
oreassin tant pœjs, par capîlu e
par falis s'a fas la buine volon-
tât.

Une vore di int e â chest sin-
timent de morâl ma no sê di-
splealu, confusionade par vie di
dutis lis contradizioms che si viôt
intorsi. Se â la buine vore di pra-
ticalu, 'e stente a metisi, par vie
ch'e pò crodilu squasi impuss-
ibil in fat.

Ma no jê cussî: di ca e di là,
vie pal mont a'nd'je saltâz fôr
tanc' che la pensin come nô, ch'e
ân fiduzie; e par chel si son mi-
tûz a ben lavorâ. E ancje nô,
culi, 'o batin par chel: pa l'u-
nion intant spiritual di duc' i po-
pui, cence spietâ chei trêulis di
guviars; cence fidanze tes fede-
razions di stâz in particular e no
in universal; ancje chês 'e ân
l'agagu, e intant ch'al par ch'a
vebin di un qualche cjosse, di-
fat 'e slargju la sclapadure fra
chei doi ch'a uelin spartisi il
mont.

ELEZIONI

Prest al començarâ il davoî de
sagre eletoral, anzit al â bielzâ
començât.

Miliars sore miliars ju san tirâ
fôr par duc' chei manifest', pai
viaz, i comizis; miliars che nissun
al pandarâ al biât popul di dula
ch'a ju rigjavin, e parçê che a di
chei siors ur coventi di spindin:
cussî ben.

Pal biât zitadin eletôr, chel di
rompisi il cjât par intvâ il so
agnâl custode par altris cinc agns,
e par meti te buse l'ilusion di chê
schedute, al è propit timp piar-
dût, «vanitas vanitatis».

Pal Furlan po al è un afâr

mauc. E vignaran su lis plazzis
e pai teatros i trombons di prime,
e pai gnûfs. A chei di prime al-
manco si po' domandaur ce ch'a
jan in man di mostrâ; e in prin
di dut: — Dula ese la nestre au-
tonomie? — E cui nus pae dal
tanc' miliars ch'o vin bielzâ piar-
dûz? — I faz dula sono? —

Afar mauc!
Al è plui san e dignitôs tignisi
lontans, e dai comizis, e des se-
zioms elettorâls. Gnan par gnan!

Brusinlu ancje no

I emigranz belumâz cum tun
biel ordin dal di, viodût chel e
cunsiderât chel atri, 'e ân deci-
dût di brusâ il bajûl. Si pò daur
nome reson, ma torje di che i
Furlans si son lassâz cjapâ la vol-
te. Infaz no l'è trop che il pre-
tôr di Tarcint al veve assolz 17
di lôr ch'a jerin lâz a cîri di
vore in Jugoslavie cence permès,
tratansi di no patî la fan; ma la
Cassazion di Rome ju a faz con-
danâ parçêche in tun pais or-
ganizzât come il nestri no l'è
naneje di pensâ che qualcheidun
al vedi di lâ a risjeo di muri di
inedie.

Ce uelal di? Al ûl di che si
pò stâ a cjase, sigûrs che no man-
jarâ la borçade: 'e je une sen-
tenza de Cassazion, e la Repu-
bliche 'e je fondade sul lavor.
'E jere ore di ditlu, u i belumâz
le ân capide.

E i Furlans ce spietino?!

IL CJAN E IL GJAT MESSEDANZE

Udin mutilat

I sjeujs talians 'e ripuranti:

Il comitat zentral di associa-
zion nazional dai mutilat 'e in-
valiz de uere, al à decretat Udin
zitat mutilade, par vie dal eroi-
sim e pal contribut di sanc dai
siei fiis (di Udin). Cussì, la ne-
stre zitat ex capital, tal timp de
prime uere, decorade di medae
d'aur al valor militar e de eròs
al merit di uere, te seconde 'e
ven onorade cun duc' i titui: «
j reste plui che un Requiem».

Par tignì su il balon

Come ch'e si dopre la propa-
gande par sfrutà l'irredentisim ju-
lian, si po vioditu sul «Corriere
della Sera» ch'al ripuarte une
notizie indula ch'al conte la fui-
de di quatri triestins de l'or zitat
e il sbarcament di ches' profu-
gos tal puart di Ancone dopo u-
ne drammatiche traversade dal A-
driatic.

E di, che il prinsip Valerio
Borghese ex comandant de deci-
me M.A.S. in ch'è zornade stes-
se, al tignive une conferenze fasiste
a Trieste e po dopo al partive pa-
cific tun vagon restorant pal I-
talie.

Curiosità filologichis

Furlanis Mondialistis

CANAI = fanciullo, ragazzetto.
La Canae = collettivo di fan-
ciulli e figliolanza, finché i figli
sono piccoli (Pirana - Vocabolario
Furlan).

Tal Bantù, 'o cjaùn: - ana =

frut.

Po', in ch'es altris lenghis, Ka,

al è un prefix e a volis un suffix,

cun significazion diminutive. E

chesi si lu cjate di une bande te

Afriche central e sud orientâl e

di ch'altre fintremal te Birma-

nia, China, Malesie e Polinesia.

Fra altris:

Bantù: Ka-ana = frutin, fion.

Males: ana-K = frutin.

Silong: K-ana-ing = frut, frut-

tin.

Yao: Ka-ana-je = frut.

Meto: K-ana-K = frutin.

Anche il tedesco: Knabe = frut,

frutat, al mi somee ch'al vegni di

ch'è bande.

Par talian al ven a cjapà un

significat peorat di teppa-fecia,

ch'al a di sedi vignut dal fat, che

al è de zovantut, quan'ch'a el cja-

te in cunvigne, di cjantazz, fà

businora, materies e dispiez, in-

faz, in divarsis lenghis, par vol-
tà il talian canaglia (int) si cja-

tin vocabul cui significat juste di
frutazz.

il saipe

Gno barbe patriot

Gno barbe, une volte, 'e patrie
no i oleve ben; tan'che une di
ch'a nol veve tirat ju il cjapiel
'e bandiere, al à cjapà un le-
dròs di un talianisim, ch'a jam
zinglinat fin lis orellis. Ma dopo
d'in ch'è volte al à cambià come
il di e la gnot. S'o vaia a favelà
cun lui, cumò no'nd'je un che s
la patrie i vult ben tan'che lui.
E no si vergogna a pandilo. Se
l'Italie 'e fos une individue, al
dis lui, la cjapares e la strezza-
res tant a fuart, simpri par mo-
strai il ben ch'a j'ùl, fin a cja-
fojale. Veramentri ai fruz quan'
ch'a si ur'ùl ben si ju mangja-
res, ise vere! E difat, al dis gno
barbe, i granc' patrios i uelina
tan ben a l'Italie, ch'a propi la
mangjaressin, anit la mangia:
ma lui nol rivares a tant: al plui
al plui, la scjafoiares.

Dorie

Bandieris in Museo

Lis bandieris dal 25 regjment
di fanterie «Bergamo» e dal 57
artiliarie campal 'e an sfilat pal
zentro di Rome e po' dopo 'e
son stadi puartadi sul altàr de
patrie. A spietalis su pe scjalina-
de dal litorâl, 'e jerin represen-
tanzis di ufiziali, sotufiziali e ca-
vabinirs. Dopo il salut al Milite
Ignoto, lis bandieris 'e son sta-
dis depositadis tal Museo dal Ri-
sorgjment. La biele serimonie 'e
jo siarade cul «Inno al Piave».

Par Rome e par Napoli

Il ministeri dal interno al no-
tarà tal so bilanz a scomenzà
dal an solâr 1952 une spese di
3000 milions di francs pal comun
di Rome sot il titul: integrazione
dal bilanz comunâl. Cui di plui
il comun de Zitat Eterne al ven
autorizât a jâ mutuos par 55000
milions di francs, cu la casse De-
puesiz e Prestiz.

Anche Napoli al si becarà une
some e mutuos identics: lis lez
relativis 'e an rizerude l'apro-
vazion dal Senat cu la raccoman-
dazion di Enrico de Nicola, im-
bodecât parvie che, cun qualche
miliart no si risol, ne la miserie
di Napoli, ne ch'è dal meridio-
nâl, bisugnerul di agjerolazioni
fiscals, doganals, imponudis cun
decision e volontât implacabil.
Bea sgarade: magari nò, ch'o
vessin un senadôr come de Ni-
cole.

Alogjos

L'istitut autonomo pes cjasis
popolârs al vise, che cinc alogjos
'e son squasi pront par ricevi i
inquilins, ch'a podin presentâ do-
mande al ufizi provincial de as-
sistenza posibliche di Udin.

La domande 'e va fate in cjar-
te semplice, ma bisugne vè la
qualifiche di profugo par podè
otegnì l'alogjo.

Cjamps a gratis

La prefeture di Rome 'e comu-
niche che l'ente julian autonomo
di Fertilia (Sassari) in riste dal
grant program di trasformazion
agrarie e fondiaria, te Sardegna,
si à la possibilitât

I) di colocà trente fameis di
profugos julians ch'a podaran be-
neficiâ di terens de superfizie di
rot infra a quindis cjamps par

faliseje

Doman, passandoman, quan-
che j comodarà di tornà a cja-
se, cu la panse scagne, i paron-
zins e la parone lu tiraran ben
su, puarin. Pan e lat, coradele
e altris lechêz: al è cussì un
gust a rioditu dut zelôs, cun ch'è
zitate sul bocan di pelete, e se
al ragne co si fâs fente di to-
cjaie, ancimò miâr.

Cussì ninin, grazias, sportif,
cun chel pelut lis lis, soxierul e
tolerant cui fruz di cjas, al à
sarût incjantâ l'omp, e fasi ti-
gnì cont, cence piardi la libertât
e la dignitât.

Al à di vè sintût che, fra i
umigns, a'nd'je di chei «sacros
e inviolabil»; e alore ançe lui
al è zirût di proviodisi un tabù:
di fasi la namèe di bestie sacre
fin di ch'è volte dai Furlans, di
lâ in compagnie cu lis strûs, di
slargjâ il dubi che a tratalu mèl
al puartî disgrazie. Ma si po' in-
tiscâ simpri in qualche miscre-
dent, e a rivi cul re dai nemai
si riseje simpri!

No stait a pensâ mal dal gjat,
a erodi di duc' chei difiez. Al è
un meti a mal, par vie de inri-
die. Il gjat al s'olè ben, come
ogni creature: ma, intadinai —
pari inter pares —, autonomie e
assoziazion libere, la ch'al coren-
te, di là a spas quan'ch'ol à:
cence cartelin di identitât tor dal
cuel.

E dâur di un puerton a contâ
chei c'a passin, no pardiane.

Biade jât, scomenzass a capi
ce ch'al insegne il gjat? Quant
si metarêso fûr di pupil come
lui? Lui al rize: i rot dopo quel-
ch'è di ch'al è nassût, e voltris,
quant, mo'?

Propuestis ideis e cjastronadis



Propuestis
legislativis
di
Jacun
dai Zeis deputat
de Republiche
Cjantonale Furlane

'articul unic:

Duc' i candidâs che si presin-
tin es elezions par fassi elei de-
putat 'e scugnaran sei furlans pa-
toes. I vòz a benefici di un can-
didât forest, no valutan une noie
forade.

Democrazie

Parcè mo co si trate di tacà
uere o di ientrâ in tune uere ni-
sune democrazie, grande o picu-
le ch'è sedi, progressive o no, no
j domandie al popul s'al è con-
tent di fâle? E dis pur ch'al co-
mande lui?

Un par tre

Il soestant dal interno de In-
ghiltere al à sarût a di dome cu-
mò, trop ch'al à spindût il sò
ministeri pai funerals di Zorzi sest,
maart l'an passât. 'E je une no-
tute di sessante milions di liru-
tis, ce plui ce mancuel come la
note des spesis fatiz pai funerals

L'omp al à domiesteât il cjan;
e il gjat al à sarût; par so cont,
domiesteâ l'omp.

Se 'o si tardais di gnot, poi stra-
dons 'o cjatais dâur di squasi o-
gni ristiel, un ejanat ch'al un-
che a ognidun ch'al passe, e al
ten dâr chel basol, nancje ch'al
fôs a contrat. A'nd'je po di chei
cal istint carogne di stâ bieci ci-
dins infra che 'l viandant al rive
juste li denant, par dai la baje-
de a colp e scaturilu. Intant il
paron (parceche il cjan al à un
paron) al duâr pacific tal clip
dal jet.

Al cjan di cjasze ur toeje di
bati palûs, tavelis e montagne,
e duc' 'e san ce vîs ch'a i toeje
fâ 'e bestie, cul risejo par don-
gie di cjapasi une implombade di
qualchi scjapin.

Il cjan al si alate a dut; a
tirâ slitis tes glaxeris polârs e
magari a diventâ il gustâ dai
compagns, s'al si seunis prime di
lôr; al si adate a fâ il puestin
sot de metrae in timp di uero e
a voltis al si beche uno medue
o un monumentin.

Altris si ju vîs a fâ i pujaas
tal cireo; o a fâ la massariute
cul fagotin de spese a pendolon
de boeje, fagotin che qualche vol-
te, par vie des nasadis razzials,
al ven imolat dut ch'al capite.

A'nd'je ançe di cjanis decora-
tifs, altris di afeturose compa-
gnis: di une bande la varan in-
tivate di stâ ben, ma di che al-
tre cetantis limitazions, come i
fantâs in colegjo o in casurme.

E a'nd'je di chei c'a nus toeje
tirâsi ju il cjapiel: tai rindin fe-
dei a nidi uerps, e tirâ la ca-
rosete di qualche pidimentât, o a
tignì cu la boeje il platelat pe
caritât.

In ogni cûs, il cjan al si è cja-
tât paron e vite oblande.

Considerin il gjat, cumò.

Di gnot, te so stagion, intant
che il cjan si quite il pagnot,
ecu là i gjas liburs poi cjantons,
ecu còrs, su lis murais, che si sol-
feggia lis lor vilotis. Ce Pùdigne-
te, ce San Remo, ce Premi-Friâl!
E son notis romantichis, dispera-
dis di penson, di messedai il cûr
a cui che 'e son direndis. Ma
no stin a sbalgjasi: al è Trilassa
che t'ai à ben capis i gjas: ... e
sembra che me lagno, e invece
goda!

Sâr Tojo.

ch'a nus conservi la so colo-
razion cun dut che no j vin pu-
blicitât "ançe i onorevis 'e zuein
di balutis e Montecitorio": e
ch'a nus compatis par vei scru-
bolât l'articul cull sot.

Buinis oparis

Za timp, un frutin di sis agns,
Manicher Mann al è stât decorât
cu la medae d'ariat de Federa-
zion mondial pe protezion des
bestis, par une axion di corajo.
Il so gjat al jere colât tune va-
sche, plene di res liquit e il
Mann, nol pensâ trop par butasi
dentri a salvâl, cun dut che la
vasche 'e jere fonde doi metros,
cussiche il frut si cjatâ glotût te
melme; ma ançe in chel brut
moment, al à vût cûr di slungjâ
il brax in alt par meti al sigûr
il so gjatut, fintremal ch'al fo
liberât ançe lui.

Furlans, imparin di ches e-
sempli, a dasi intor almanec
prime di colâ: parceche, se nus
capite, no colarin di sigûr tune
vasche, ma tun lât di sanc e di
uere, ch'a podares segnâ la fin;
par duc'.


Tojo

No stait a vigni fûr cu la brua-
de, cul spali dal muset e cun cri-
tichis di tre bras un franc: iò
no soi razzist, no soi pulitic, no
soi studiât ma nome un galantom
furlan.

Par cheste reson e par dirit
natural 'o consideri che i miei
fradis furlans 'e sedin parons u-
nics, legittims a rappresentâ dap-
dut, l'interes de nestre int. E se
qualchidun al fos d'impinion
contrarie al si meretârâ pardabon
il titul di razzist e di imperialist,
ch'al crût di comandâ l'une colo-
nie a une trope di selâs.

Infim, dopo di vè consultât par
sarpul ançe il registro des rî-
lezions cul forestum e viodût che
nissun furlan al rapresente la Re-
publiche Furlane ne tal parlament
de Sizilie, ne te chel de Pale-
stine:

Jo, Jacun dai Zeis, deputât
ch'a nol rosêe 'o propon ches
diktat 'e Republiche Cjantonâl
Furlane:



MOVIMENT AUTONOMIST FURLAN

PE FEDERAZION DAI POPUI

Dôs propuestis

La propagande elettorâl e la tache dai partiz par sfrutale a lôr prò, no galetoe l'interes dal nestri M.A.F. ch'al cir dome il ben dal Friul. I nestris interes nus puartin sun tun teren diferent, sun tun teren dulà che lis ideologjîs dai partiz "e muerin sefojadis sot dal pès e sot de impuartance dai nestris problems e dal interes pe lôr risoluzion. Par chesto, e altris resons par dongje, "u seugnâ rē une tache special, nostrane, in relazion cu lis possibilitât finanziarie unvoro limitadis ch'e son u nestre disposizion.

Dopo ches' sceltimenz "u si permetin di presentâ ai nestris amis la question elettorâl in dôs propuestis: une di caratar positif, ch'altre di caratar negativ. La prime "e s'arès ch'el partizipâ es elezions cu "L'Unione delle genti Alpine" par podê presentâ i nestris candidâs al parlament tes cine circonserizions stabilidis de lez elettorâl.

La seconde propueste, ch'è negatice si presente invezi cussì:

Duc' ch'el jân il podê "e cirin di mantegnîla, doprant miez di ogni faze; in Italie, republiche democratiche, si doprâv unvoro faze a pueste par difindî ch'el interes. I partiz contraris "e berlin, ma se fossin lôr i parans dal vapôr "e fuessin compagn a piê. "E berlin, "e clamin infam e antidemocratiche la lez elettorâl che "e ju turche, e cun lôr e turche la costituzion e la libertât dai eletôrs. Benon: ma alor, parê me no fassin di mancul di servizi di une lez cussî scandalose: parê me no declarino l'astension gjenerâl? Se i partiz no an il coraggio di lâ fin da fonz il M.A.F. al è il dovê di faze aneje par altris resons, aneje par altris violazions de costituzion, a don dal Friul. Un stât democratic, onest, nol cumbine ch'as voris ch'a ti an cumbinât tai ministeris di Rome. Un stât democratic e positif e onest nol met te sô cjarte costituzional l'autonomie special dal nestri Friul e po dopo, di soto vento, cun tune sempliz norme, la decime, al dînee ce ch'al si è impegnât di dâ.

Dopo ch'estis provis, la malfidanzie nus contee di no lâ a votâ: tant la potente "e ven cuete a Rome e Rome che se mangj. Cussî "e rasonin i astensionisc. Chest discors al scelarâ lis ideis su la situazion elettorâl ai nestris amis dal M.A.F. e lu fasin par viarzi la discussion. Par cumò, intant sintin il pinsîr dai Furlans e lis lôr opinions, e sence ducî sui us stin a l'erte.

Concuardis

Cheî doi tropis di stâz ch'a si son faz intôr dai U.S.A. di une bande e da l'U.R.S.S. di ch'atre, si pualid di ch'è sedin bogns esemplis di concuardie? Isol di spietâsi ch'è vegni fûr la pàs, o no isal pitost in ch'è concuardie il plui grant pericol di uere ch'al sei mai stât?

Di cheste sorte di concuardie

par suarze duc' i popui "e son senôs di deliberâsi, par podê tirâ finzimentri il flât e fâ ale di miôr che no fabricâ armis, ingrumâ munizions e obteâ a dopralis cui che nol ûl sarent.

Altri che concuardie? Ch'è "e je la plui grueuse discordie di chest mont: un grum di stâz di cu "e un atri grum di là — cun tun grumon di pore e di tristerie par omp — ch'è fasin ce ch'a purdin par dâsi la culpe un cu l'atri de uere ch'è preparin duc' i doi. Dio nus uardi di concuardie di ch'è faze, e i amig di buine coloniz — s'and'è — che riodin di mesti d'acordo Stâz Uniz e Russie: eco la concuardie ch'è covente par no lâ a finile in tun disastro une rote piê di chei che "e rin provâz.

E un covente aneje un'altre: ch'è dai Furlans par riri di furlans in Friul. Il prin dirit de l'om ch'al ven in chest mont al è ch'el di riri: di riri lâ ch'el Signôr lu a meti, e di riri ch'el al è: e ch'este "e s'arès l'autonomie. "E son i fores" ch'è aressin cambiâ il Furlan, colonizâ, sapulz su: s'al a di seugnâ mudâ il su natural e sparnizâsi ator pal mont. si pò fâ di mancul di discorsi di autonomia: miôr une rove no bazzâl e lassâ che radi remât ch'è al.

Pitost di consumâ lens e farine, e stracasj e messedâ simpri la potente e no strucjale mai, no isal miôr fâ di mancul di metile su?

I disendenz di Washington

Tai U.S.A., la Comission presidenziâl ch'a scrupule intôr de emigracion e des naturalizazions in rapuart "e les Mc Carran dal 1952, "e a signacit, su la cuviarte dal libri ch'al ripuarte la sô relazion, chest pinsîr di Zora Washington dal 2-12-1783:

"La Meriche, a braz aviâr, "e dâ ospitalitât no dome ai fores" sioraz e di rispet, ma aneje a di chei ch'a son oprimûz e a persecutâ di ogni nazione e a di ogni religion; e ches' "e s'aràn beavignûz a gjoldi tra di a nò, di duc' i nestris diris e a privilegios, quan'che s'al meretun cu la buine e oneste concuarte.

Chest pinsîr, che Washington al d'è fûr quan'che l'indipendence dal sô paîs "e jere imò clopâz, altris lu an tornât a di cun suâl solenitât e la comission presidenziâl "e a tirât fûr il titul pe sô relazion: — Whom we shall welcome, ch'al orês di — ches' "e s'aràn i beavignûz tra di nò.

Ma propit chei ch'a si son proclamâz di bessoi difensôrs de patrie "e an tradide la patrie e la libertât, eiarant lis stanzis dai U.S.A. si persecutâz e ai puzrez. E duc' chei, che par une reson qualunque "e domandâ di pojà il pit su la tiare mericane, aneje par poeja oris, dopo viarzi di setemanis e mès sui mâr, ju tormentin par sisteme, cun interrogatoris di suspitet, ch' a umilin ogni galantom.

La lez Mc Carran "e rive adore di improibî infun ai marinars di sbarcjà se no si adatin a ch'è in-

IL NESTRI NON

La gramatiche nus insegne a scrivi i nons come ch'è va: Policarpo Petrocchi al spiegh propit pulit la storie dal non e un biel articul di Tite a proposît di non e sorenon "e a publicât la "Patrie dal Friul" dal 31 di utubar 1948. La lez — ejalât re cuminazion — "e va d'acordo cu la gramatiche: tal codiz civil (articul 6) si lei:

"Ogni persona ha diritto al nome che le è per legge attribuito.

"Nel nome si comprendono prenome e cognome.

"Non sono ammessi cambiamenti, aggiunte o rettifiche al nome, se non nei casi e con le formalità dalla legge indicati.

Ch'è che invezi no ûl sarent di lâ d'acordo cu la gramatiche e je la burocracie, massime ch'è militâr. La lez "e je in vigôr dal prin di lai dal 1939 e squasi nissun ufizi no la rispete: la teguin platade "e scrivin anjemò i nons davanti datur, prime il sorenon e dopo il non e nissun nol proteste. Ce biel esempli di prepotenze di une bande e di nissune dignitât di ch'è stre, e ce bieles democrazie?

Ma no je nome question di burocracie, da l'inerzie e de comoditât da l'impiegât e dal furir ch'è cjapin di pès il non cul sorenon denant come ch'al è scrit

in ordin alfabet e lu metin tal e qual in dutis lis cjartis, "e pratidin che aneje il public ur presentis lis cjartis cul non scrit par ledrôs: al è ale di piês.

Metin ch'al nasi un frut de famer Bianchi e che i metin non — prenon, par dile juste — Pacific. Al è batiât Pacific, e come Pacific Bianchi al promet par boje dal santul di crodi in Dio, di osservâ i Comandemanz e di no scoltâ il diavol. Di frut al va a dutrine e al impare che par amôr di Dio al tocje di olês ben un cu l'altri, di perdonâ duc' i tuarz che nus vegnin faz, di rindi bea par mal, di amâ i nestris nimis.

L'educazion "e somee inviade par une buine strade, ma intant che a dutrine "e insegnin cussî ben, a sceule j mostrin un'altre strade, ch'è va de bande contrarie, e j fasin capi che un cont "e je la religion e un altri la pulitiche; che la religion "e covente par salvâ l'anime, ognun par sô cont come persone; ma par duc' insieme come popul al è un altri par di manis; si ocuen sei armât e simpri pronz a fâ uere almanul par difindisi, seont ch'è ordinin i governanz. E cussî la religion "e va pai trois: Pacific Bianchi la met di bande; al tornarâ a viodi di jò salacôr quan'ch'al sarà diventât vecjo, par metisi in sest prin di là.

A vincjeun an lu fasin ientrâ in caserme; ma no lu cjapin par davanti, de bande dal batisin, tu cjapin par datur; j metin prin il sorenon, lu clamin Bianchi Pacific, j signacchin daprûf un numar di matricole, lu intrupin cun Tranquil Rosi diventât Rosi Tranquillo, cun Agnol Verdi diventât Verdi Angelo, cun Celest Viola diventât Viola Celeste, cun Candid Neri diventât Neri Candido e cun tane' altris di lôr, e gaidon cul sô numar di matricole, e lu obtein a fâ ce che Pacific Bianchi in vite sô nol vares mai fat, e ce lu vès fat al saret lât dret in preson. Invezi j prometin medais, promotions, pen-

sions e monument: dut a glorie di Dio, "e oressin di.

Chest al sucêt di Napoleon in ca: prime ch'el mistir lu fasevin chei ch'è olevin; "e je stade la rivoluzion francese, "e son stâz i liberadôrs d'in ch'è volte ch'è nus an fat chest biel regal. (E ch'al sedi vignût di ch'è bande lu vindin aneje uè: tal giornâl "L'Union Valdôtaine" i nons "e son seriz cussî: Perron Victor, Royez Léonard, Donnet Adèle, Chatrian Alexis, Bionaz Henri e cetera). Ma aneje Napoleon al à fat la fin di chei ch'è fasin copâ la int, e cumò "e podin ben rispindi a Sandri Manzoni che "non fu vera gloria".

Cheî che no rivin ad ore di gjavâsi fûr dal vecjo testament "e disin che si scombat a glorie di Dio, ch'è je simpri la lote dal ben cuintri dai mâl; ma il Signôr intant des ueris e dopo des ueris al mande i ejasties un datur l'altri, e nol covente vè studiât par inacuarzisi, no ise vere?

Eco dulà ch'è va a finile la storie dal non, ch'è somears un robe di pòc. Ma "e je po colpe aneje nestre se nus tratin in ch'è maniere. "O vin la lez che nus dâ il dirit al non; impi di lassâ nus remeâ e avili tan ch'è fossin nemai, fasin valê il nestri dirit: scomenzin a pratindî che duc' i ufizi "e scrivin il nestri non come ch'è va e no denant datur; e ricuardin simpri dal batisin. Si trate in sostanzie de dignitât de persone umane. Chei ch'è cjacarin tant di ch'èste dignitât "e dovaresin dîcus uno man; no voran difindî viars di chei atris vie di là, par dopo metile lor sot i piês. E "e aressin une vore piês dai senze Dio.

Sej di L.

Parons romans

In te lez de montagne (25 di lai dal '52, n. 991, art. 33) si lei: "La Direzione generale delle foreste... (a denominazione di Direzione generale per l'economia montana e per le foreste). Ch'è "e je la lez, ma a Rome le an cambiade dal moment, e tes cjartis ch'è vegnin di là al è scrit "Direzione Generale dell'Economia Montana e delle Foreste". E parares una cagnere, ma —lassant di bande lis maiusculis — "e je une bieles differenze tra il eper e il edel; la differenze ch'è je tra cui ch'al lavore par judâ, par conscâ, par spiegâ, par servi e cui ch'al comande a bache e al ûl fasi u-hidi.

Inmò une robute "e merite segnade. La "Gazzetta Ufficiale del Regno d'Italia" "e je diventade "Gazzetta Ufficiale della Repubblica Italiana", ma credesio ch'è vedi scomenzade une serie gnove par ch'el Nancje par ideis; "e va, indenant ch'è vecje, e cumò e je ta l'asade 94. Par ch'al somet ch'è la Repubblica, "e vedi 94 agnos, o par no matea a cambiâ un'altre volte quan'ch'al torne il re?

Ce autonomie puedic vigni fûr di ch'è bande?

Letaris al Cjavedâl

Nus son rivadis divarzi letaris e qualcheune "e mertares di sei publicade, ma cheste volte "o vin pòc puest e cussî "o si limitin a dâ qualche rispueste.

Sar Tite Priciera,
Ravene.

Chest sfuej al è propit jessût cun ch'el scopo, lui le a capide subit aneje sence spiegazions. Lu ringrazin tant des bielis perulis e pal rest nol stei a vè nissun pinsîr. Un mandî di cûr, de nestre Direzione.

Sar Toni Muchiut,
S. Laurinz di Mosse.

"O rin a plasê che il program dal M.A.F. al vebi incostrade la simpatie so e ch'è dai siei amis. Lui nus racomande di tignî dûr: "o farin il pussibil, nol stei a vè dubi. Par vigni a cjataus al è pi-

test difizil: "o rin impegnâz cumò, "o viodarin plui indenant e lu cîsarin a timp. Un mandî a duc'.

Nus scrif:

Toni Fantin, pe Clape

"O si rin cjatûz in cunvigne un pàs di amis par fevelâ dal Cjavedâl e dal program dal M.A.F. e duc' "o rin tude une buine impression specialmentri pe autonomie nestre e pe federazion dai popui. Nò, "o sin duc' emigranz e ch'estis ideis "e son une vore fazilis a ientrans tal cjâf; plui difizil impi, al è ch'el di lei il furlan e imò plui ch'el di scrivilu come coeltris. In ogni mût us ringrazin par venus dade une speranza e un confort in te vîlute ch'è nus tocje di fâ pal mont.

Apene pussibil us scrivarin, a la buinate, e us darin lis notizis e i nestris indiriz. W il Friul.

FRADAE INTERNAZIONALE DEI FURLANS

Furlans ch'a no tornin

Tullio Bianchi di 50 agns di Venzon, al è muart a Parigi dula ch'al faseve il linotipist tun grant sfuej parigijn. Al fo un ami di due i nestris emigranz ch'al judà simpri e in ogni forme. Al è olut tornà a polsà tal so Friul, indula ch'al è rivat compagnat di so fi Angjelin. Il funeral al è stât une dimostrazion de stime ch'al gjoldeve il Defont tal so pais.

E parintât un coraggio de bande dai compagns emigranz, di Venzon e de Cjargne.

Toni Filipin 54 agns, di Cesari, muart a Manaus (Mines Geras) Brasil, dopo di une malatie lunghe e dolorose. Al jere un dai pionirs te industrie dal cauciù e pal so lavor al jere rivat a fasi une posizion impuartante. Al lasse un bon ricuat pe so gjenositât cui paesans che no an mai cjatade siarde la parte de so cjase, massime tai timpis pelôs de ultime uere.

LETARIS al cjamerâr

Sâr Cjamerâr,

In cheste region dal Gales 'a si cjatin riunidis squasi dutis lis industriis de bande stagnade che dan di vore a desins di miars di operaris. Parnis dai inglês, i sindacats britanics 'e an permitude la temporanee imigrasjon di foreste, che paratri, no son libars ma vincolâz cul permes di «soggiorno» a une fabriche specificade tal contrat, un'altre clausule 'e vincole i lavoradôrs foreste: 'e je ch'è ch'a stabilis il licenziament dai imigrâz prime dai natifs s'al vès di maneja il lavor. In cheste situazion il rimpattri al ven fat se nol è pussibil impiegâ i operaris in altris voris, tal timp di dôs setemanis. Cumò par via dal rimodernament des fabrichis 'e scomenzin i licenziament, ch'è rivarân, dopo la instalazion dai gnûs laminadôrs a proporzions grandiosis.

In fax nome t'unc fabriche rimodernizade 'e saran mandâz a spaz cul implant gnûf 10 o 12 mil operaris. Dôs fabrichis, lis plui modernis dal mont, 'e son bielsâ in funzion cun personâl ridot al 60 par cent in mancul di chei impleât tes vieris. Culi 'e son a vore 600 talians e di chese 160 'e son stâz licenziâs ta cheste mès: squasi due 'e son «dal tac»: dai 14 furlans, nissun al fo preavisât, anrit jo ch'o sai la lenghe miôr di due 'e o fâs il epaliv. Vei stât sigurât che i ultins a lassâ Swansea 'e saran i furlans pai quasi si cirarâ in ogni mût di cjatâ lavor di qualchi altre bande. Un cjargnel, ch'al mi a promiut di sglofani i voi, s'o

pant il so sorenou, al si è sposât cun t'unc di ruli: 'e je stade une bieie fieste indula ch'o vin balât la stajare e cjantât in furlan. Anje i compagns galês invidâz 'e fieste 'e an olut cjantâ lis lôr vilotis e due 'o sin restâz mervêa pe lôr musiche, che squasi si somee 'e nestre: 'e an propit reson di di che 'l mont al è pizul, e no dome di cumò.

Saludaimi l'Agnul e mandi.
NANDO PASCULIN - Morrison Hostel - SWANSEA (England)

Sâr Cjamerâr,

O ai sot dai voi i sfuejs talians ch'a laudin la man d'opare, l'onestât, la induranz dai furlans: due i pais ju cirin e ju parferissin par lavôr di ogni gjenar, tan in Europe che tes Merichis. E in alore sar cjamerâr, ce mût ise che 'l guviâr talian al lasse tante int di bant tal nestri Friul, ce mût ise che la nestre tiare 'a si tire dongje tautis rasutis, mancûl lavoradôrs de nestre int e lis pas? Basile, A. T.

E son veretâz sacrosantis cjâr ami, ma la pulitiche taliane si infote dai furlans e des lôr virtûz, ch'a rindin dapardut, una specialmentri al estero. Si rigjavin cussî un grun di vantaz: al è sur ch'al jentre tes cassis de Banche d'Italie in cambio di litris ch'a vegnin tosadis tal Friul, si dividin fogolârs e fameis e si sdrume la razze furlane. N.D.R.

De Australie

In chest mès 'e je stade celebrade in dutis lis glesis catolicis dal pais, la «emigration sundays» la domenie de emigrasjon: 'e je stade lete anje une letare dai vescûs indula ch'è metin in uardie i fedei su lis prevenzions e lis preocupazions intôr dai 700 mil foreste vignûz a stabilis in Australie dopo de ultime uere. Dute cheste int, par dile iuste, 'e à creât dificolteaz e problems complicâz, ma no di sigûr come chei dai lues devastâz dal flagjel de uere.

Emigrasjon burocratizade

Al è nûf costituit un organism internazional par tratâ i problems de emigrasjon europe. Anje l'Italie 'e fâs part e il sorestant ai esteros Dominedò, al à declarât ch'al contribuirâ cul 10 par cent des spesis gjenerals di ministrasjon de gnove istituzion.

O scomenzin ben, cun tune bieie armadure burocratiche, che a vegnarâ ritaminizade, cu la zonte di sessante dolars pajâz par ogni «câj» di lavoradôr ch'al emigre. Dominedò al à fat savê che la tarife di sessante dolars 'e je une concession special fate a l'Italie:

L'Australie incepi 'e scuon pajâ 285 dolars. Ma il sorestant roman al si è dismenteât une piczule diferenze: nò, 'o mandin fûr dome int selezionade, produttive, la flôr, che ven doprade e sfrutade dai pais importadôrs a lôr vantaz.

Corrispondenze curte de parintât pai emigranz

VALENTIN VALENT - Rua da Fonseca, 182 - DIEGO SUAREZ (Moçambico).

Al è passe doi agns che no tu scrivis e cheste 'e je l'ultime volte de bande nestre. Se no tu rispundis al orâ di che nol è plui nûc ce fâ, cussî almancul 'o savarin messidist anje sente la to firme. Paratri no stâ crodi di fâ il to interes cussî: al sarà un dispiet, par nò e un dispitic par te, che in fin dai conz ti costarâ une vore salât. Mandi.

To sùr

Malie.

AURELIO CALIGARIS - P.O.B. 1086 - CAMBERRA (Australia).

No si pò vendi la cjase sole, che nissun la pae ben, senze la tiare. Paratri se tu uelis piardi bér al surs Pasin ch'al ti dà 600 mil. Marinte 'e je stade operade e no sta imò ben anje par vie de influente: cussî 'e son lûz un grun di bér. Tite al è simpri disocupât. Mandi, scrif di lunc par savê regolami.

Basil.

Marie, Feliseje e Felix 'e saludin tant Anute e lis frutis e la visin che j scrivaran apene pussibil. Intant 'e spietin notiziis dai furlans dal Canada e in particular di chei di Montréal. La conte de «Teiese» 'e je lade piardude: si podressial vent une copie? M. Ridolfi al è cumò tal West India e tal Canada al parsarà codi in otom. Nuvitâz in Friul poeji e sclagnis.

Letaris de ministrasjon

TITE FRANCESCUT - Ave. Gonzalez Huerta 156 - VALPARAISO (Chili).

La to cause 'e je stade rinviade al mès di avril, cussî par la

fin di chest an dut al sarâ a puest.

Paratri al è miôr no vendi a boccons, ma dut in bloc, s'al è pussibil: un dongje al someares sencôs di fâ l'afâr e to fradi al à la procure, cussî la robe si pò

darâ distrigâle biel svelte. No stâ vè pinsir: dut al larâ ben. Mandi. L'avocat de Fradac

Iscrizion 12-8-'52, n. 71 Trib. Udin
Direzion respons.: MARIE DEL FABBRO
Stamparie: Artis Grafichis Furlanis
Bore di Trep, 1 - Udin

CALZOLERIA LOMBARDA

Via P. Cancian 4 - Udin

Scarpis par umign e feminis
grant assortment

Robe buine: presit bon.



FILIALE

di UDINE

PIAZZA MATTEOTTI, 9

Tel. 61-04

D' G. B. Angeli

Studi professional tecnic-agrari

VIA MANIN, 14 (PRIN PLAN) - TEL. 27-62 - UDIN

Stimis, consulenzis e arbitraz agrariis - Direzion e ministrasjon di aziendis agrariis - Praticis completis par otâgni contribuzions statals

O. LENDARO

Bore di Aquilee, 39 (Via Aquileia, 39) UDIN

CUSINIS ECONOMICIS - Cressaris - Pedai - Machinis cun motor elettric - Rimale cjâz - Gusliis - Boccons di ricambio

COASIONS:

SINGER - NECCHI - PFAFF par sartors, cjâliers e a man
VENDITIS A RATES RIPARAZIONS DI OGNI FATE

Avîs impuartant

Granc' Magazzens

"AI COMBATENZ,"

Piazza de Blave (Piazza XX Settembre) - Udin

Piezzamente par omp e par feminis di ogni gjenar e qualitât - Coredos complex par gnuvizzis - Lanis par jet
Baretis - Cjapiei - Scarpis - Ombrenis

Robe buine - Prezis convenienz - Negozi di fiducie

Mobilifizi Torossi

Bore Baldissere, 13 - Tel. 61-31 - Udin

Fabriche e mostre permanent